

December 17, 2019

www.awemainta.com

www.facebook.com/awemainta

noticia@awemainta.com

583-1400



AWEMainta

15
año

Net awor cu Otmar Oduber a baha como Minister

TIN COMPANIA KIER SIGUI COBA SANTO NA BOEDOEI PA SIGUI HACI NEGOSHI

Compania ta bisa cu Gobierno a haci excepcion pa nan; Con por ta?

Shaba
mini storage
Shaba #1 - Behind NAPA Building
STARTING FROM
Afl. 149,-
per month
FOR INFO, CALL: 587 0621
561 0824



 **INVEST
SECURE**
We don't just say it ... We Guarantee it !!!

**ANNIVERSARY
24 Years**

*Nos ta ofrece tranquilidad,
protehando nos comunidad.*

Pa mas informacion yama 582-7252



Sigui na pagina 3

Hunto cu Minister Bikker, Premier Wever-Croes a reuni cu Marina Real

Ta prioridad di Gobierno pa brinda seguridad na Aruba prome



E crisis na Venezuela ta empeora y bira mas serio cada biahá resultando cu mas y mas hende ta purba di sali for di nan pais en busca di un mihor bida y porvenir.

Gobierno di Aruba ta convivi cu e situacion na Venezuela y tur esnan afecta p'e situacion difícil aki.

Gobierno ta haciendo su parti pa yuda caminda cu por. Sinembargo e prioridad ta pa tin seguridad na Aruba prome. Pa brinda mas seguridad, Gobierno di Aruba ta inverti den fortifica tanto e controlnan na frontera como e departamentonan cu tin di haber cu migracion, Warda nos Costa y Cuerpo Policial. Hunto cu Minister di Husticia mr. Andin Bikker, Premier Evelyn Wever-Croes a reuni cu Comandante der Zeemacht di Area

Caribense, Brigade-Generaal der Mariniers Peter Jan de Vin y cu demas Top Oficialnan di Marina Hulandes pa yega na mas palabracion pa traha hunto pa tene nos fronteranan cera y bon protehi.

Marina Real hunto cu Warda nos Costa ta dispone di ekiponan fosfistica cu por yuda Aruba den esfuersonan pa mantene e costanan sigur. Costanan sigur ta nifica un Aruba mas sigur.

“Apesar di e crisis na Venezuela, Aruba ta un pais sigur y nos kier mantene Aruba sigur tambe cu tur esfuerso cu ta wordo haci, pasobra bo seguridad, ta nos prioridad”, Premier Evelyn Wever-Croes.

Cuerpo Policial ta informa:

Turista a bira malo na Baby Beach y a fayece

AYERA dialuna atardi pa 4:40 Central di Polis a wordo informa cu un persona lo a haya problema den lama na Baby Beach.

Na yegada di patruya por a comprende cu un turista masculino a haya problema den lama. Ambulance a yega n'e sitio, pero no por a haci nada mas.

Pa 6:40 dr. Texier ta constata morto di e turista masculino inicial A.A naci na Colombia di 67 aña. Causa di e morto ta ataca di curazon. Slachtofferhulp a presenta n'e sitio p'asina asisti e famia den e momento difícil aki. Cuerpo Policial y nos di AWE-Mainta ta manda palabra di condolencia na famia di e fayecido.



Net awor cu Otmar Oduber a baha como Minister

Tin compania kier sigui coba santo na Boedoei pa sigui haci negoshi

Compania ta bisa cu Gobierno a haci excepcion pa nan; Con por ta?



HOPI tristo, loke habitantenan di Boedoei, Sero Cristal a experencia ayera mainta. Aparentemente tin hende cu si ta kere cu nan por para riba ley.

Informacion extra-oficial cu AWEMainta a haya ta bisa, cu un miembro di Gobierno lo a duna permiso (1 x bi-aha so), pa tog bay saca santo pa termina un proyecto. Siendo cu tin un veredicto cu ningun di e companianan aki no mag di coba pa saca net nada, pero ayera mainta, esaki tabata e caso.

T'asina cu ayera mainta tempran pa mas o menos 07.20 actividad a cuminsa den Boedoei. Un escavator grandi ta dreña y 5 truck (trekker cu oplegger) tambe.

Un rato despues trucknan ta cuminsa sali carga cu santo. Ta resulta cu un excepcion a ser duna na Caribbean Beton (Venezolano) pa por caba un trabao.

Un excepcion lo ser sigi pa otro. Semper esey tabata e caso. Fastioso ora bo ta sinti bo mes indefenso.

Esnan cu bo pone pa defendebo semper lo tin un motibo pa hustifica cosnan no usual. Increibel, tabata un comentario recibí.

Tur esaki ta sosode net awor cu Otmar Oduber a baha como Minister, pasobra el a bringa e caso aki fuerte, y a logra p'e companianan muda pa e.o. Barcadera, pero awor tin hende den mesun Gabinete aki cu a flakea y lo bira un free for all atrope. Money talks, tabata otro comentario recibí.

.City Inspector, ta keda bisa cu: "they move their own sand. NO, it is natural material that they excavated a few months ago secretly and move now just with a little delay. This belongs to Budui!" Otro mentira anto for di City Inspector cu mester sa mihor.

Un situacion hopi tristo y no tin ningun NGO cu ta sali na defense di e habitantenan di Boedoei y di Sero Cristal. Ta otro caso hudicial mester cuminsa?

No tin claridad riba cambionan cu por wordo introduci:

KvK ta expresa preocupacion riba e introduccion di fase 2



Camara di Comercio y Industria di Aruba (KvK) tin entendi cu Gobierno di Aruba kier pusha fase 2 di e Reforma Fiscal entrante 2020, pero KvK no a ricibi ningun informacion nobo riba detayes di e fase 2 y e cambionan cu Gobierno lo kier introduci.

KvK a tene reunion cu Departamento di Impuesto, pero no a haya ningun informacion for di Minister di Finanza y Economía, Xiomara Maduro riba e topico.

Ta reina hopi incertidumbre cerca e comerciantenan den e pasanan cu Minister lo kier tuma. Mester tin confianza mutuo entre sector publico y sector priva p'asina por yuda drecha e economia di Aruba. KvK ta desea di obtene e contenido di fase 2 di e Reforma Fiscal. KvK ta expresa cu analisa y contribui n'e contenido di fase 2 ta hopi mas importante cu ehecuta fase 2 pa por cumpli na un deadline.

KvK ta opina cu dialogo riba e contenido ta di sumo importancia pa por defini fase 2.

Pa loke t'e Reforma Fiscal den su totalidad, KvK ta comparti e mesun pensamiento cu tur e otro gremionan y ta indica cu tur e 4 fasenan di e Reforma Fiscal mester ta disponibel p'asina por duna un conseho holistico prome cu fase 2 drenta na vigor.

E periodo actual ta uno fastioso mirando cu ta dianan di fiesta, pero KvK ta mira e importancia pa dialoga y ta pidi Minister pa percura cu por dialoga prome cu formalisa fase 2.

E comerciante tin hopi incertidumbre riba kico lo bay pasa entrante 2020. Esaki ta afecta e comerciante su decisionnan si acaso e planea pa cuminsa un negoshi of tin e intencion di expande su negoshi.

KvK kier duna conseho riba e fase 2, pero esey no por ta posibel si no sa con e plachi completo ta musta di awor te cu fase 4 di e Reforma Fiscal. KvK ta completamente disponibel pa discuti e puntonan di e Reforma Fiscal cu Gobierno.

Algun luna atras KvK a organisa un townhall meeting, a tene reunion cu diferente stakeholders y a ricibi diferente comentario y consehonan di empresarionan riba e topico expresando nan preocupacion y punto di bista.

KvK ta kere firme den dialogo transparente y a base di e conocimiento y informacion cu KvK tin riba e topico por yuda yega na un situacion faborabel tanto pa sector publico como sector priva y pa e comunidad di Aruba.

Bon Pasco pa Ken? Bon Pasco pa Tur!

Sociaal Crisisplan (SCP) ta desea pa durante temporada di fin di aña, tur hende corda riba e hecho cu tin hopi hende cu no por celebra un dushi y Feliz Pasco, pasobra nan situacion ta uno diferente.

Na Aruba tin hopi caso di abuso y negligencia di adulto, mucha y hende grandi y esaki ta algo cu nos como comunidad no mag di lubida.

Pesey mes p'e temporada aki di fin di aña Sociaal Crisisplan (SCP) tin e deseo pa tur hende absorba e mensahe cu: **Amor puro ta caba cu tur maldad!** Amor pa bo mes. Amor pa bo famia. Amor pa amistad. Amor pa bo coleganan.

Amor pa nos comunidad. Amor pa Aruba!

P'e temporada aki di fin di aña Sociaal Crisisplan (SCP) kier enfoca riba e mensahe bunita y puro cu ta cubri e topico di nos norma y balornan.

E respet pa otro, e humildad den curason, e famia cu ta central y tambe e amor pa otro. Sociaal Crisisplan kier pa tur hende pone e norma y balornan central den nos curason p'e temporada aki di fin di aña y corda cu: **Amor puro ta caba cu tur maldad!** Asina nos ta desea un Bon Pasco pa Tur!


Departamento Meteorologico Aruba ta adverti

Departamento di Meteo a emiti un aviso pa biento duro durante proximo dianan cu a drenta na vigor ayera tardi 6'or... Un aviso pa boto chikito especialmente pa areanan cerca di costa oost te noordwest y lama habri a drenta na vigor tambe ayera tardi 6' or...

Creciente diferencianan di presion den area di Caribe, ta produci un biento duro durante proximo dianan y lo haci lama localmente bastante bruto.

Pesey ta bon pa tuma accion di precaucion.

Na publico ta wordu urgi pa tene cuenta cu e biento relativamente duro. Na usuarionan di lama y ocupantenan di boto chikito ta wordo urgi pa tene cautela riba lama especialmente cerca di costa oost te noordwest y riba lama habri ya cu lama lo bira localmente bastante bruto...



Bon pasco pa ken? Na Aruba tin 5 caso di abuso domestico pa dia. Trece paz, trece cariño.

BON PASCO PA TUR.



Minister Xiomara Maduro:

World Bank ta haci un pre-assesement pa un investigacion riba 'Cost of Doing Business' na Aruba



SIMAN pasa hunto cu Minister President, Evelyn Wever Croes y Minister di Finansa, Xiomara Maduro a atende un reunion cu ehecutivonan di Banco Mundial cu ta na Aruba pa haci un sondeo pa un investigacion riba costo pa haci negoshi na Aruba.

Na comienso di aña nobo e mandatarionan lo ricibi e resultado preliminar y lo haya un bista miho di e embergadura di e investigacion y tambe e costo cu esaki lo tin cune.

Den un investigacion asina lo por compara Aruba su economia tambe cu otro paisnan similar y asina duna Gobierno un bista di e competencia pa nos pais.

Na final di e investigacion Banco Mundial lo brinda su recomendacionnan pa mehoracion na Gobierno di Aruba.

BO MESTER DI WASTE BUCKET RESIDENCIAL OF COMERCIAL?

ecotech

YAMA

Mr. Bucket




594-3757
mrbucket@ecotech.aw

20 yrd Big Bucket

15 yrd Junior Bucket

10 yrd Small Bucket

Chauffeur a perde control riba su vehiculo dialuna madrugada



DIALUNA madrugada Polis a bay poco panort di Palm Beach Plaza yegando Marriott Surf Club, unda un accidente di trafico a tuma lugar.

Na yegada di Polis, nan a constata cu ta un auto so tabata envolvi. Esaki a sosode momento cu e auto a perde control y baha caminda dal contra algun baranca y mata.

Mirando con e vehiculo a keda, Polis a puntra e chauffeur si e lo ta desea asistencia medico.

Pero e chauffeur no tabata kier.

Polisnan a tuma tur dato y despues di hala piezanan cu a keda gespart riba caminda, nan a continua nan patruya. Daño material ta grandi



ARUBAN BANKERS' ASSOCIATION

SPECIAL ANNOUNCEMENT HOLIDAY CLOSING HOURS

In connection with the holidays our member banks will be closed for the public on the following dates:

Tuesday, December 24, 2019 All branches will close for the public at 12:00pm
Wednesday, December 25, 2019 All branches closed
Thursday, December 26, 2019 All branches closed

En conexion cu dianan di fiesta banconan miembro lo cera nan porta pa publico riba e siguiente dianan:

diamars, 24 di december, 2019 Tur sucursal lo cera nan porta pa publico 12:00pm
dianarson, 25 di december, 2019 Tur sucursal lo ta **cera**
diahuebs, 26 di december, 2019 Tur sucursal lo ta **cera**





GOBIERNO n'e momentonan aki, no a entrega presupuesto 2020 ainda na Parlamento caminda nan ta casi 4 luna laat cu esaki y mientras cu Parlamento di Aruba mes no ta na altura ki tempo esaki lo tuma lugar, por bisa cu Hulanda ta mas na altura di e proceso aki cu Parlamento di Aruba.

Michael Lampe di fraccion di AVP ta muestra cu fuera di no por a cumpli cu e ley di comptabilidad dor di entrega presupuesto pa dia 1 di september, ni sikiera e presupuesto supletorio 2019 ainda no a yega Parlamento.

“Ora cu Gobierno di Reino bisa cu ya nan no ta kere ni confia den e maneho financiero di Prome Minister Evelyn Wever Croes y Minister di Finanzas Xiomara Maduro, nos por compronde esaki totalmente.

Sigur ora cu nos mira cu Gabinete Wever Croes no por ni cumpli ni cu su mes, ni cu ley y reglanan di pais Aruba, corda pa cumpli cu loke nan a priminti Gobierno di Den Haag, algo cu a bira e forma di procede di e gabinete actual.

Aruba tin un Gobierno cu for di prome dia den gobernacion a faya barbaremente cu pueblo di Aruba, ya cu ningun promesa y siguransa cu a duna pueblo cu nan a haci, a wordo cumpli.

Parlamentario Michael Lampe (AVP) Fraccionan den Parlamento a bira instrumento politico di Gabinete Wever Croes

Un Gobierno cu tin e curashi y puder di gaña henter un pueblo, simplemente ta un Gobierno cu no por goberna cu e berdad, cu no por goberna cu consenshi limpi y ta sigui faya cu pueblo y hasta faya cu tanto Gobierno di Reino y cu e Comision di Supervision CAFT.

Practicamente nos ta drelando ultimo siman prome cu Parlamento baha cu reces diabierna benidero y ainda no tin indicacion cu nos lo trata presupuesto supletorio 2019 of otro leynan cu Gobierno tin cu pasa ainda cual leynan tin influencia riba e maneho financiero pa 2020.

No solamente e aspecto ey, pero Prome Minister a priminti Consejo di Minister di Reino durante su bishita urgente na Den Haag recientemente, cu e lo pasa cierto ley cu mester habri caminda pa su Gobierno cumpli exigencianan cu Hulanda pa pone pa su Gobierno.

Mey mey di tur e caos financiero aki causa pa un maneho sin pia ni cabes di Gabinete Wever Croes, ta surgi algun miembro di Parlamento cu ta bay prensa pa atende c'un raport di Algemene Rekenkamer di casi 4 aña pasa pa hunga nan weganan politico, purbando di dirigi interes di pueblo riba un asunto cu no tin nada di haber cu maneho di nan Gobierno actualmente.

Observacion haci pa ARA cu ta cuestiona cierto decision haci pa un Minister di Gobierno di AVP,

mostrando un desesperacion sin igual pa trata di sconde of tapa mal maneho di nan Gobierno cu nan ta sostene.

Si e Parlamentarionan di MEP aki ta haci nan trabou manera mester ta, nan lo por a bay mira e 'jaarrekening' di mesun aña cu ARA ta menciona den cual Gobierno a hustifica y splica e cambio aki manera mester ta.

Sinembargo ora cu ta papia di 'jaarrekening' pueblo tin cu compronde aki cu e miembronan di fraccion di MEP ainda no a cera conoci c'un 'jaarrekening' di nan Gobierno, ya cu for di 2016 ora cu nan mes a dicidi di no aproba e jaarrekening 2016, nan a crea un situacion delicado pa nan propio Minister di Finanzas y te cu dia di awe Gabinete Wever Croes no a haci nada cu e jaarrekening di 2016 y tampoco a traha riba e jaarrekening di 2017 y 2018.

Na lugar di bay atende cu nan Gobierno riba e puntonan aki, nan ta busca argumentonan politico sin sentido, tratando na crea algo pa cambia atencion di pueblo p'e maneho horibel cu nan Gobierno ta hibando.

Un Gobierno cu a castiga pueblo cu medida y cu lo sigui castiga pueblo cu mas medida rumbo pa 2020 caminda e poder di compra di nos pueblo, lo sigui desminui y pobresa lo sigui bati na porta di hopi cas di famianan rond Aruba,” Parlamentario Michael Lampe a declara.

SPECIAL DI FIN DI AÑA
PROBECHA
SERVICIO RESIDENCIAL & COMMERCIAL

Awg. **6,50** pa m³
20 m³ of mas

Yama awor mes: **582-4684**
Of Mr. Bucket: **594-3757**

mrbucket@ecotech.aw
www.ecotecharuba.com

ecotech aruba Est. 1985

SIGI NOS Ariba FACEBOOK.

Bishita di expertonan den IT na AZV

RECIENTEMENTE Organo Ehecutivo AZV a ricibi bishita di expertonan di IT cu ta specialisa den e ramo di salud y cuidu.

IT ta hunga un rol importante den e renobacion di servicionan di AZV y pa desaroya un vision p'e siguiente añanan, AZV a pidi Paul Graat, Ton Leppers y Rob Poels pa ehecuta un analisis y presenta un recomendacion.



FUTURO

Algun cambio cu e aseguradonan por a tuma nota di dje tabata e introduccion na comienzo di aña di e Rating App como tambe mas recien e introduccion di e *digiZorgPas*, esta e carchi digital di AZV. Asina lo tin mas proyecto cu AZV ta evalua cu e meta pa sigui mehora servicio na cliente den 2020.




CELEBRATE WITH US!

SHOP AWG. 75,- OR MORE
AND ENTER OUR RAFFLE
TO WIN SPECTACULAR PRIZES



1ST PRIZE
AN ALL-INCLUSIVE
VACATION FOR
AWG. 10.000,-



2ND PRIZE
A STATE
OF THE ART
SOUND SYSTEM



3RD PRIZE
KOOYMAN
GIFTCARD
AWG. 250,-

TO ENTER THE RAFFLE

1. MAKE A PURCHASE OF AWG. 75,- OR MORE.
2. FILL IN ALL THE DETAILS ON THE TICKET.
3. DEPOSIT YOUR TICKET IN THE RAFFLE BOX.

The campaign starts on 18/11/2019 and ends on 28/12/2019.
Winners will be announced on January 3, 2020.

A maximum of 100 tickets per purchase worth AWG. 7500,-.
For full campaign details go to www.kooymanbv.com

KOOPYMANBV.COM

[KOOPYMAN.ARUBA](https://www.facebook.com/KOOPYMAN.ARUBA)

KOOYMAN
THERE IS ALWAYS SOMETHING TO DO



Awo cu 2 florin mas, bo por gana e **MEGA PLUS**

* Afl. **360.000,-**

* Afl. 260.000,- + Afl. 100.000,-
extra




Rocco Tjon:

Un rebaho di prijs di coriente cu 10% pa januari 2020

	2009	2010	2011	2012	2013
HFO Consumption in barrels	1.933.699	1.796.573	1.823.288	1.527.093	1.413.502
Electricity tariff per KWh in Awg.	0.2713	0.3305	0.3892	0.408	0.3862
Aumento prijs % compara cu 2009		21.8	43.5	50.4	42.4
	2014	2015	2016	2017	Averahe
HFO Consumption in barrels	1.418.696	1.345.099	1.381.122	1.389.967	
Electricity tariff per KWh in Awg.	0.3944	0.4200	0.4031	0.3681	
Aumento prijs % compara cu 2009	45.4	54.8	48.6	35.7	42.8

SIMAN PASA nos a tuma nota di e grato noticia cu Gabinete Wever-Croes a anuncia un rebaho di prijs di coriente cu 10% pa cada ciudadano. Deliberadamente a scoge pa no laga e rebaho aki conta p’e ciudadanonan so, pero tambe pa sector comercial.

Negoshinan lo conta cu un rebaho di 7% pa loke ta coriente y fundacionnan, Misa y Scolnan lo conoce un rebaho di 9%.

PRIORIDADNAN CORECTO

E motibo primordial dicon nos lo conoce un rebaho di coriente t’e liderazgo honesto y fihamento di prioridadnan corecto di nos Prome Minister sra. Evelyn Wever-Croes. A stop y kibra tur contractonan abusivo cual bou di Mike Eman a alcanza 21 miyon florin pa aña, segun Rocco Tjon.

For di inicio cu Gabinete Wever-Croes a asumi responsabilidad a vocifera cu Companianan Estatal mester traha na bienestar di Aruba. Tur inversion cu un compania estatal haci mester resulta den un “return on investment” pa cada ciudadano.

Y e “return on investment” p’e ciudadanonan mester ta un rebaho di prijs di coriente, cual aworaki nos lo conoce esaki na 2020.

PRIJS DI CORIENTE BOU GABINETE EMAN

Ta importante pa ilustra e desaroyo di prijs di coriente e ultimo añanan. Na 2009 Gabinete Eman I a hereda prijs di coriente na 0.2713 cent pa Kilowatt.

Apesar cu a uza masha hopi fondo di tur compania estatal y den presupuesto no a logra baha prijs di coriente manera Mike Eman a priminti, Rocco Tjon a duna di conoce. Al contrario prijs di coriente a subi bou liderazgo di Mike Eman na un averahe di 42.8% compara cu e prijs na 2009. Den e tabel compania cu e articulo aki por wak cu Mike Eman a subi prijs di coriente na 5 diferente momento bou su gobernacion.

PRIJS DI CORIENTE BOU EVELYN WEVER CROES

Gabinete Wever-Croes a hereda prijs di coriente na 0.3681 cent pa kilowatt, cual ta 35.7% mas hopi cu e tabata na 2009. Importante pa menciona cu for di november 2017, ningun momento a subi prijs di coriente y aworaki e prijs lo baha cu 10% bou liderazgo di sra. Evelyn Wever-Croes

PA CONCLUI

Presupuesto 2020 lo conoce un surplus. Esaki ta marca un era nobo, un era di finanza saludabel y un era di bon gobernacion. Liderazgo di Prome Minister lo conduci na finanza saludabel, un economia cu ta crece (segun Banco Central), rebaho di nos desempleo (segun raport di Departamento di Labor) y un turismo cu lo sigui crece na 2020 cu 2.8%.

Aworaki tambe nos por wak cu e maneho aki ta contagia nos companianan estatal y pa prome biaha den hopi aña nos lo conoce un reduccion den tarifa di coriente, Rocco Tjon a conclui.

Parlamentario Marisol Lopez-Tromp a duna charla pa studiantenan di OGM na Universidad di Arubaa



DIALUNA dia 18 di november ultimo sra. Marisol Lopez-Tromp, lider di fraccion POR den Staten, a duna un presentacion n'e studiantenan di e prome aña di e estudio Organization, Governance and Management (OGM).

Sra. Lopez-Tromp, como ex-Minister, a papia tocante di e tareanan di un Minister den e proceso di traha y ehecuta maneho.

Otro topico tabata e rol di Parlamento, ambtenaar y consehero. Tambe el a elabora riba politica en general na Aruba y e rol cu Reino y relacion internacional ta hunga. Despues di e charla, e studiantenan a haya e oportunidad pa haci pregunta na Parlamentario Lopez-Tromp.

Cada aña e docentanan Luciano Milliard y Helmut Vink ta invita den cuadro di e curso Governance, Policy and Organization (GPO) un ambtenaar of ex-ambtenaar di rango halto y un gobernante of ex-gobernante.

E meta ta p'e profesionalnan di futuro conoce di serca e lidernan den comunidad cu ya pa hopi aña ta traha na bienestar di pais Aruba den diferente funcion.

Den transcurso di e añanan, studiantenan di OGM tabatin e privilegio di haya un charla di ex-Gobernador di Aruba sr. Fredis Refunjol, ex-Minister President sr. Nelson Oduber, ex-Minister di Husticia sr. Arthur Dowers y ex-Minister di Enseñansa sra. Mary Wever-Lacle.



**Our client in the
Financial Services
sector is looking for
a new:**



Mortgage Officer in Aruba

Our client is a member of a large group of companies in the financial service sector which operates across the Caribbean and in the USA. Product and service offerings include life and health insurance, mortgages, annuities and pensions.

Job Summary

The Mortgage Officer will provide support to the Investments and Mortgages Departments in maintaining and growing the residential and commercial mortgage portfolio in Aruba through administering an assigned portfolio, analyzing new business and completing mortgage loan processing.

Key Duties and Responsibilities

The Mortgage Officer is responsible for amongst others:

- Identifying, soliciting and acquiring new or increased mortgage business from existing accounts and new prospects, in line with company policy and planned objectives.
- Assessing, preparing and submitting mortgage loan assessments to relevant approval authorities.
- Exercising due diligence in the mortgage loan assessment process via thorough and strong lending administration with focus on quality and security regularization.
- Ensuring that AML and other policies are in compliance with our regulations and company policies and guidelines.
- Assisting with the management of mortgages in arrears.
- Ensuring that client relationships are established and well maintained.

Knowledge & Skills

The candidate that we are looking for needs to have the following qualifications:

- University Degree in Business, Finance or a related field.
- Minimum of two (2) years of experience in the insurance/banking environment.
- Excellent written and verbal communication skills in English, Dutch, Papiamentu and Spanish.
- Good organizational and administrative skills.
- Knowledge of AML/CFT guidelines.
- Very good interpersonal skills.
- Highly numerate with demonstrated analytical skills.
- A high proficiency in the use of Microsoft Office software.
- Flexible, dependable and the ability to work in a dynamic work environment.

Previous experience within a financial services environment as well as in the lending and/or credit assessment would be an asset.

Interested?

Candidates that meet the requirements are invited to send their resume with a cover letter and a copy of their diploma's via email to Grant Thornton Aruba. Attn.: Mr. TJay Farro. Email: tjay.farro@aw.gt.com. The application must be in our possession no later than **December 20, 2019**.

For more information please contact TJay Farro at **+297 522 1647**. All applications will remain confidential.

Grupo di Militar durante Korpsverjaardag a wordo reconoci



Adjudant di Mariniers Arthur van Hofwegen a recibi for di man di Comandant di Mariniers Kazerne Savaneta, luitenant-kolonel der mariniers Van Beekhuizen, su medaya di oro pa su 36 aña di servicio y lealtad pa su servicio. Esaki a tuma lugar dia 10 di december durante e excepcional “alle hens” na ocasion di celebracion di “Korpsverjaardag” den sporthal di kazerne.

Den presencia di Comandante der Zeemacht den Area Caribense, Brigadegeneraal der Mariniers Peter Jan de Vin, y di colleganan di Marina Real y di Cuerpo di Mariniers activo y den exterior, a para keto un rato reconociendo e carrière di adjudant van Hofwegen: di su bunita recuerdonan di 19 aña na Infanterie, 7 luna na Cambodja den di dos mitar di 1992 y su ubicacion di 5 aña NLMARFOR.

Durante e ceremonia aki di “alle hens” adjudant Van Hofwegen a reconoce diferente colega di Cuerpo di Marina Real, pero tambe di Milicia Arubano y algun personal local pa c unan bon trabao durante e ultimo periodo aki.



Banda di tur esaki, luitenant-kolonel der mariniers Van Beekhuizen a keda condecora cu e Jeneverkruis, oficial e ‘Nederlands Onderscheidingsteken voor Langdurige Dienst als Officier’.

E Jeneverkruis ta un reconocimiento pa militarnan y personal di reserva cu tin mas di 15 aña den servicio. Oficialnan cu ta haya dicho reconocimiento lo por haya ahustacion cada 5 aña. Asina e Comandante a haya e cifra di 25.

Despues di e taptoe cu e tamboers y pijpers di Cuerpo di Mariniers CZMCARIB e “Alle Hens” a ser clausura cu un bolo pa conmemora nan 354^e aniversario di Cuerpo di Marina Real.

(Foto's: Henny Strijbos)

Dama herida den accidente den cadena diadomingo anochi



DIADOMINGO anochi pa mas o menos 7:20, Polis a bay pazuid di e rotonde nobo banda di SuperFood, unda un accidente den cadena a sosode. E parti cu ta bay Oranjestad.

Den e accidente un señora a resulta herida, e tabata na stuur di un Honda CRV.

E autonan involvi ta un Mitsubishi Lancer, un Honda CRV y un Nissan March. Segun e señora den e Lancer, e tabata bayendo zuid, momento cu algun auto a slowdown.

E señora tambe a slowdown y patras di dje a para un Honda CRV. Pero e di tres auto un Nissan March no a regula su velocidad y a dal duro tras di e Honda CRV, causando cu e dama chauffeur den dje a resulta herida. Ambulance a ser pidi y na yegada Paramediconan a atende e dama cu tabata sinti basta dolor.

Daño material n'e Nissan March ta considerabel.

Gerald Franca y Frank Velasquez tabata presente n'e Cena di Pasco di Brazil Taekwondo Stichting



Gerald Franca, Presidente di Aruba Sport Unie “ASU” y Frank Velasquez, Vice Presidente di ASU tabata presente n'e Cena di Pasco di Brazil Taekwondo Stichting. Gerald Franca y Frank Velasquez a contribui grandemente n'e Cena di Pasco di Brazil Taekwondo. Tur aña Gerald Franca ta presente p'e mira e atletanan di Brazil Taekwondo cu mas a destaca den 2019.

Gerald Franca a entrega Reginald Tromp, kende a representa Aruba n'e TK5 di Surinam na februari y TK5 di Corsou na november un plakaat.



Reginald Tromp a participa den Best of the Best, Test Event, Ultimate Taekwondo Cup, Campeonato di Himno y Bandera, Campeonato di Rey, Campeonato di San Nicolas Taekwondo Center y Campeonato Nacional organisa pa Stichting Impact Teakwondo Martial Arts & Sports Foundation.

Reginald Tromp ta Cadet cu un futuro grandi su dilanti, esey tabata e palabranan di Gerald Franca.



Frank Velasquez a entrega plakaat na Leonard Philips, kende a destaca den e siguiente actividadnan den 2019: Best of the Best, Test Event, Ultimate Taekwondo Cup, Campeonato Himno y Bandera, Campeonato di Rey, Campeonato Nacional organisa pa Stichting Impact Teakwondo Martial Arts & Sports Foundation.



Resultado final Torneo di Campeon de los Campeones



DIADOMINGO dia 8 di december ultimo, a tuma lugar e torneo Campeon de los Campeones den nos clubhuis na Nieuwstraat 11, Oranjestad.

Esaki ta un torneo nobo cu a wordo introduci e aña aki. E 4 mihor clasificado di aña pasa, ta un hunga un torneo Rapid (25 min + 10 seconde) y después un torneo Blitz (5 min + 5 seconde) unda tur 4 hungador ta topa otro (round Robin). Banda di e torneo aki, e otro hungadornan presente lo hunga un torneo round Robin (dus tur contra tur). A presenta aki den 8 hungador.

E 4 hungadornan cu a hunga p'e Campeón de los Campeones ta Mario Jansen (Nady), Octavio Croes, Delbert Alexander y Juan E. Nisbeth (Ricky).

Den e Rapid Tournament Nady y Octavio Croes a empata na prome lugar cu 4 punto. (1 gana y 2 empata).

Delbert Alexander y Rick Nisbet ambos a score 2 punto (2 wega empata, y un perdi).

Después a sigi e wega Blitz, cu un tempo hopi mas liher.

Aki Octavio Croes a score 4 punto (2 gana y 1 perdi), Nady y Ricky a

score 3 punto (1 gana, 1 tabla y 1 perdi) y Delbert 2 punto (1 gana, 2 perdi).

Después di conta tur e puntonan gescored hunto, Octavio a resulta e ganador di e torneo Campeon de los Campeones cu 8 punto. Na di dos lugar a bay pa Nady Jansen cu 7 punto, na di tres lugar pa Ricky Nisbet cu 5 punto y Delbert cu 4 punto.

Den e grupo di 8 hungadornan cu a hunga un torneo parallel cu e Campeón de los Campeones, a keda na prome lugar e hoben Angel Suarez cu 11 punto, na di dos lugar Ricardo Wever cu 10 punto.

Na di tres lugar tabatin un empate entre Dennis Kelly y Alan Suarez ambos cu 9 punto. Alan tabatin mas punto di resistencia y a keda na tercer lugar.

E prome 2 ganadornan di e Campeon de los Campeones a haña un Christmas basket. Y e prome 3 lugarnan di e torneo organiza banda di Campeón de los Campeones tambe a ricibi un basket.

E torneo aki, a wordo subsidia dor di SSA y Lotto pa Deporte.



Melvin Tromp di partido AVP

MEP mester sirbi interes di pueblo prome y no sirbi esun di Gobierno prome

UN di e tareanan principal di Parlamento ta di controla maneho di Gobierno na number di pueblo ya c'un miembro di Parlamento, ta un representante di pueblo y tin cu sirbi interes di cada un ciudadano.

Melvin Tromp, vocero di partido AVP ta muestra cu e puntonan aki, puntonan importante y esencial p'asina pueblo wordo segura cu e ta wordo protehi contra mal maneho di un Gobierno, no t'e punto di interes pa miembronan di Parlamento actual cu ta sostene Gobierno di Prome Minister Evelyn Wever-Croes.

“Siman pasa por a tuma nota cu algun miembro di fraccion di MEP den Parlamento, a dicidi di bin dilanti y muestra cu keho cu mi persona a entrega na Ministerio Publico, ta un falta di respet pa Prome Minister Evelyn Wever Croes mustrandu un mentalidad cu e Prome Minister por haci y deshaci contra interesnan di pueblo.

Na lugar cu nan bay busca mas informacion pa trata di averigua cu loke mi a entrega na Ministerio Publico ta consisti di dje, nan ta sali manera un set di mucha manda pa bay defende Evelyn na lugar cu den number di pueblo, bay averigua sin enberdad e practicamente sospechoso cu mi a entrega, ta corecto of no.

Tin suficiente documento, tin carta cu Prome Minister mes a firma, dunando ordo pa un bufete di abogado na cual e tabata forma parti di dje y por hasta bisa cu e ta doño di dje, un di su representantanan a wordo asigna pa representa su persona den reunionnan cu tin di haber cu companianan estatal cu ta resorta bou di su persona.

No ta documentonan cu nos a haya riba caya, no ta documentonan falsifica, pero documentonan oficial di cual nos a ricibi copia den nos brievebus cu ta muestra e forma di procede di Premier Evelyn cu ta muestra hopi riba un proceso pa enrikece su mes pa medio di e bufete di abogado aki.

Enberdad na momento cu el a bira Prome Minister el a distancia su mes di e bufete aki manera ley ta prescribi, pero su interesnan a bay pa un fundacion caminda ora cu e bandona e puesto como mandatario di e pais, e ta haya su parti di ganashi manera tur otro partner di e bufete ta haya.

Loke ta mas tristo den e caso aki, ta cu miembronan di e fraccion di MEP aki no ta carga nan responsabilidad y como parti di nan obligacionnan tambe bay controla e tipo di maniobranan aki y cuestiona loke tin cu wordo cuestiona y den number di pueblo busca claridad, nan ta core bay para banda di e Prome Minister, e mesun mandatario cu nan tin cu controla na prome lugar.

Pa dos aña largo e miembronan di e fraccion geel ta bin ta atacando lider di

nos partido Mike Eman practicamente diariamente, pero asina cu menciona e number di nan lider Evelyn, di repente esaki no mag y ta exige respet caminda nan mes no ta duna ningun clase di respet.

Ta un berguensa scucha miembronan di e fraccion aki hunga e rol di protector di un mandatario cu supuestamente nan a hura pa controla den number di pueblo, e mesun mandatario cu a pone nan pasa pa payaso, no na un ocasion, pero continuamente.

Ta algun luna atras cu miembronan cu ta sostene e Gobierno di Prome Minister Evelyn Wever Croes a wordo ridiculisa ora cu nan a entrega y aproba un amienda cu ta cambia e rol di CFT den e ley nobo di LAFT, pero e ley aproba aki keto bay ta den poder di Prome Minister ya cu su persona cu a sostene e amienda aki dunando un consejo di voto, despues a dicidi di parkeer e ley aki.

Un ley cu Prome Minister ya a segura Hulanda for di 2018 ora cu el a firma un acuerdo cu Hulanda pa medio di un protocol cu tambe ta carga firma di Minister di Finansa, Xiomara Maduro.

Haci boso trabou, exige di boso Gobierno pa cumpli cu reglanan di bon gobernacion manera boso tur ta propaga, cuestiona cierto decision di partnernan di boso coalicion caminda ta bisto cu amigo y sponsornan di partido, nan interes ta wordo sirbi prome cu interes di pueblo ta wordo sirbi,” sr. Melvin Tromp di AVP a declara.

Parlamentario Alan Howell (POR) contento cu

Minister Maduro a scucha su peticion; sucursal di Belastingkantoor na San Nicolas ta opera tur dia atrobe

Parlamentario di partido POR, Alan Howell a inicia e siman aki cu un tono hopi mas alegre. E tabatin un encuentro cu prensa dilanti sucursal di Belastingkantoor na San Nicolas, cual tabatin su portanan habri.

Siman pasa e tabatin un encuentro similar, pero e tono tabata diferente, ya cu e momento ey el a vocifera na nomber di habitantenan di pariba di brug su preocupacion y disgusto pa locual tabata pasando, esta cu e oficina aki tabata habri dos biaha pa siman solamente, esta diahuebs y diabierna.

El a tuma contacto cu Minister di Finansa, Xiomara Maduro pa atende cu e situacion y expresa cu esaki ta algo inacceptabel. El a indica n'e Parlamentario cu lo haci su maximo esfuerso, pasobra e tambe ta di opinion cu un tipo di servicio asina no ta aceptabel.

Por a mira cu reaccion di Minister Maduro tabata uno rapido ya cu dialuna a habri cu portanan di belastingkantoor na San Nicolas habri ofreciendo servicio n'esnan cu tin mester.



“Awe mi por bisa cu e hulpbestuurskantoor na San Nicolas, pa locual ta trata e parti di belastingkantoor ta habri bek pa pueblo, e servicio ta optimal bek, e servicio ta bay core normal, dialuna, diamars, diaranson, diahuebs y diabierna. Di aki mi ta gradici Minister Xiomara Maduro pa scucha peticion di pueblo, pa scucha mi peticion como Parlamentario cu t'esun cu t'e wowo, e nanishi y e stem di pueblo. Mission Accomplished”, Alan Howell a duna di conoce.

Cobransa adicional di Winstbelasting 2014 lo sali den e proximo dianan

DEN e proximo dianan Departamento di Impuesto lo saca e cobransanan adicional (naheffingsaanslag) di Winstbelasting 2014 fecha 31 di december 2019, p'e contribuyentenan cu no a haci declaracion y/of no a haci e pago di impuesto debidamente.

E contribuyentenan cu no a cumpli (na tempo) cu entregamento di e declaracion definitivo di Winstbelasting 2014, lo haya e cobransa menciona inclui un boet.

Mescos ta conta si acaso e cliente a paga un suma menos cu locual el a declara na Winstbelasting. E boet pa no cumpli cu entregamento di e declaracion ta maximo Afl. 2.500.

Si no a haci e pago di Winstbelasting of no a haci e pago na tempo y corectamente, e boet ta maximo Afl. 10.000. Di acuerdo cu ley, e contribuyentenan cu ricibi e cobransa adicional di Winstbelasting 2014 ta haya dos luna pa paga e suma di e cobransa.

Chauffeur a sufri un ataca tras di stuur cu a pone accidenta

DIADOMINGO mainta Polis a bay Siribana unda un auto lo a bay dal contra un mata y lo tin hende herida.

Na yegada di Polis, nan a topa cu un Toyota Agya riba algun baranca y na final a dal contra un mata di Kwihi tambe.

Informacion haya n'e sitio a indica cu e chauffeur lo a haya un ataca di Epilepsia, y esaki a causa cu el a perde control riba e auto.

Ambulance a yega y Paramediconan a atende cu e chauffeur pa despues sali direccion Hospital.





Ricibi AweMainta tur dia den bo Inbox

Registra awo!
Manda bo e-mail na
noticia@awemainta.com



GRATIS

Experiencia Aruba su Goalkeepers Youth Fest ta prepara pa un Aña Nobo cu metanan defini

Aruba su comunidad hoben entre 15 y 30 aña di edad ta wordo cordialmente invita pa bin experiencia e evento, *Goalkeepers Youth Fest*, cual ta wordo organisa dor di Global Shapers Oranjestad y UNESCO Aruba diabierna, dia 20 di december, 2019, di 1 or pa 5 or di atardi, na San Nicolas, Aruba. E evento aki ta gratis, pero mester registra pa por atende.

Goalkeepers Youth Fest ta un evento organisa pa conscientisa pueblo di Aruba tocante e 17 metanan global estableci dor di [United Nations](https://www.un.org/sustainabledevelopment/), cual ta wordo yama e “[17 Sustainable Development Goals](https://www.un.org/sustainabledevelopment/17-goals/)”, cu tin e meta colectivo pa traha como un plan pa logra un mihor futuro cu ta mas sostenibel pa tur ser rond di mundo.

Lo tin ‘breakout sessions’ caminda cu persona y organisacionnan di e comunidad Arubano ta bay comparti nan mesun experiencia den algun topico specifico.

E tres topiconan principal di cual participantenan por scoge pa disfruta durante e ‘breakout sessions’, ta: “Climate & Environment”, “Education & Employment”, y, “Equity & Inclusion”. Lo ta bay tin varios presentacion exclusivo y special pa haci e evento aki no solamente informativo, pero tambe leuk pa experiencia.

Goalkeepers Youth Fest lo tuma lugar entre 1or di atardi y 5 or di atardi na The Movies @ Principal, situa na Bernard van de Veen Zeppenfeldstraat 20. Ademas di esaki tambe lo tin presentacionnan cu lo tuma lugar na Cosecha San Nicolas cu ta otro banda di caminda di Principal y Biblioteca Nacional Aruba – San Nicolas, cu ta situa banda di Principal.

Pa mas informacion por bishita e *Goalkeepers Youth Fest Facebook event*, via e siguiente Facebook page nan: [Global Shapers Oranjestad](https://www.facebook.com/globalshapersor/) y [UNESCO Aruba](https://www.facebook.com/unescoaruba/).

New India Assurance y Kiwanis Club of Aruba ta lansa video di “Don’t text and Drive” pa fin di aña

SIMAN pasa New India Assurance y Kiwanis Club of Aruba a lansa e video di fin di aña di e proyecto “Join the Movement!” “Don’t text & Drive”. Na comienso di aña 2019 a ser lansa e prome video cu Alto Comisario di Polis, sr. Andrew Hoo y e di dos video a enfoca riba Karyme Acosta, un hoben atleta, kende a destaca den coremento na pia y riba bicicleta y tambe den e deporte di natacion.

Mescos cu e videonan anterior, un biaha mas e enfoca di e video aki ta riba un trafico sigur, particularmente di e peliger cu “texting and driving” ta trece cune pa nos sernan keri.

New India Assurance, como un di e compania di seguro di auto mas grandi na Aruba, sigur ta mira e peliger y e dolor cu esaki por trece cune.

Kiwanis Club of Aruba ya pa hopi aña caba ta trece y lo sigui trece mensahenan di conscientisacion p’asina yuda hunto crea un trafico mas sigur.

New India Assurance y Kiwanis Club of Aruba kier gradici un y tur cu a haci e video aki posibel. Tambe nos kier gradici e comunidad di Aruba cu dia pa dia ta mas consciente di e peliger y e consecuencianan severo di “texting and driving” y alabez invita e comunidad pa “Join The Movement!”.

Finalmente nos lo kier a desea henter e pueblo di Aruba un feliz dianan di fiesta den compania di nan e sernan keri.

Pa mas informacion y pa abo tambe “Join The Movement” like e pagina di Facebook di Kiwanis Club of Aruba, New India Assurance y Korps Politie Aruba y share e video cu e mensahe importante aki: Don’t Text and Drive!

Pa celebracion 65 aña Statuut

Ady Thijsen a hiba discurso y drs. Marisol Lopez Tromp a duna presentacion di indocumentadonan

DEN cuadro di 30 aniversario InterExpo y 65 aña di Statuut, Presidente di Parlamento di Aruba, Juan Ady Thijsen tabatin su discurso y di Tweede Kamer a hiba palabra sr. Andre Bosman di VVD.

Temanan cu a bin dilanti ta: Evaluacion di Statuut, Ombudsman, Maneho di Asilo, Maneho Energetico, Combatimento di Corupcion y Integridad.

Miembro di Parlamento di Aruba sra Marisol Lopez-Tromp a haci un presentacion di e problemat-ica di indocumentadonan cu ta dreña nos islanan na gran escala y e consecuencianan cu esaki tin pa nos como isla chikito.

Bunita Recuerdo



Padu del Caribe hunto cu Dominico Herera, Vivian y Norman Moron na Palacio di Gobernador na añanan 90 serca Gobernador Jaime Saleh pa Consierto di Piano. Fantastico recuerdo!!

Dia familiar a bira ladronicia y famia ladron

DIABIERNA atardi un homber a duna keho di ladronicia ora cu nan a horta un tas Adidas for di den su auto staciona na altura di e faro di Cero Colorado.

E denunciante a mostra polisnan cu el a yega cu su famia na e sitio aki pa pasa momentonan agradabel y gosa di e bunita bista y nan a bandona e auto pa bay cana un rato.

Ora cu nan a yega na e costa nan a dicidi di sigui cana un pida mas y e homber ta declara cu el a saca su yabi di auto y primi esaki pa ta sigur cu el a lock y el a kere tambe ya cu el a scucha e sonida indicando cu e auto a lock.

Un rato despues ora cu nan ta canando bek na e auto, e ta mira un pareha color scur consistiendo di un homber y un señora di postura grandi kende tabata cana man teni c'un mucha chikito.

El a ripara tambe cu e homber a habri un porta patras di su auto y a pasa man pa e tas y a sigui cana bay for di e auto y ora cu nan a ripara cu e doño tabata yegando, a cuminsa core bay nan auto.

Nan a subi un tipo di pick up y a core bandona e sitio rapidamente y denunciante a subi su auto y sigui nan tras pero no por a haya nan mas y aki ta mostra cu dilanti mucha chikito mama y tata ta comete ladronicia riba propiedad di otro hende.

E caso aki no a caba ey nan ya cu diasabra atardi algo prome cu 7'or, un ciclista masculino di inicial S a yega warda di polis y a declara cu el a pasa banda di e anker grandi na Cero Colorado y a bin nota un handbag preto tira riba caminda publico.

Den e tas tabatin un badge di polis di inicial M y e ora a bin Sali na cla cu ta trata di mesun cas di e famia ladron di un dia prome. A tuma contacto cu e turista na La Cabana y e lo pasa su dia siguiente busca su pertenencia pero den e tas fuera di e badge tabatin algun caha chikito di joyas pero tur tabata bashi, pues e famia ladron a haya algo tog pa bay cune y despues tira e tas afo.

Chofer femenino burachi deteni

DIABIERNA algo prome cu mey anochi a bati, polisnan a wordo dirigi pa un accidente di trafico na altura di Ling & Sons.

Ora cu e yega na e sitio nan ta topa c'un situacion cu no ta un choke entre dos auto pero un chofer cu a dal cu auto contra algo y despues a purba di sigui core.

Un testigo na e sitio a informa polisnan c'un auto Suzuki Alto color blanco, a pasa ranca algo duro y su tire a rementa pero e auto no a para mesora pero a sigui core y a bin keda para dilanti un cas un tiki mas leu.

Ora cu polisnan a bay controla e situacion pa mira si tin hende cu lo a wordo herida, nan ta topa cu e chofer femenino kende no tabata herida of malo pero sin tabata formalmente bou influencia di alcohol.

E tabata papia cu lenga masha pisa y su wowonan tabata cora cora y practicamente no por a compronde kico e tabata bisa y mirando cu e no tabata keha di ningun lesion y mirando e situacion den cual e tabata, Polisnan a bay over na detene e chofer aki y a transporte Warda di Polis caminda riba ordo di fiscal suplente, a haya un cuarto gratiso.

Mey anochi homber ta molesta pareha di edad

DIADOMINGO marduga net 15 minuut despues di 12'or, Polisnan a bay pa un caso di un homber sospechoso na un cas na Weg Rooi Hundo.

Ora cu nan a yega na e cas menciona nan ta mira cu e cas ta completamente cera pero nan ta papia c'un señora bisiña kende ta mostra c'un rato prome un choller sospechoso a bati na porta di su bisiña pidiendo cuminda pero no a haya nada di come.

Segun e denunciante ta trata di un pareha di edad halto y nan ta spanta pa e aspecto di e choller cu nan a core cera e cas y bay drumi pero ta trata aki di un tipo bruin, cu flanel maron, un carson largo preto y e tin un barba.

Polisnan a tuma nota di e denuncia y a core rond buscando e tipo aki pero no a bin topa cune.

Otro turista victima di ladronicia

DIASABRA algo despues di 12'or di merdia, polisnan a wordo dirigi na un hotel grandi caminda ta papia cu e turista di inicial F kende a bira victima di otro caso di ladronicia riba bishitanan di nos isla. E homber a splica cu el a huur un bicicleta y a core bay direccion di Boca Catalina caminda el a dicidi di pone e bicicleta contra di un mata di kwihi na otro banda di caminda pa asina e por drenta lama un rato.

El a usa un candena pa segura cu e bicicleta lo no wordo horta pero den su inocencia el a laga su pertenencianan den un baki patras di e bicicleta cu ta wordo usa pa carga mucha.

Despues di a caba di muha culpa el a bay bek na e bicicleta y ripara cu den e periodo di cinco minuut, nan a bay cu su celular nobo nobo amrca Apple iPhone 11, un tarjeta di credito di Marriott Chaes, un flanel blanco, un carson blanco y un bril di solo di marca Native.

Hasta su par di slof cu el a laga banda di e bicicleta e sinberguensanan a bay cu nan tambe. Polisnan a nota cu un camara di seguridad den vecindario caminda e delito a tuma luga pero no ta sigur den ki direccion esaki tabata mustra.

Ladron ta tira piedra pa check si cas ta bashi

LADRONNAN ta inventa tur triki pa trata di horta cosnan cu no ta di nan y diasabra esaki tabata e situacion na un cas na Noord caminda un señora a pidi asistencia di polis pa un intento di ladronicia.

Polisnan a wordo dirigi banda di 1.45 di diasabra merdia na cas di e señora di inicial F kende ta declara cu e tabata den su cas ta leg riba cama ora cu direpente el a scucha manera un hende ta tira piedra contra un bentana di e cas.

E señora a spanta y mesora a compronde cu antisocialnan kier a drenta su cas y tabata tira piedra pa mira si tin hende den e cas pero el a cuminsa grita duro y ora cu el a bay wak kende ta pafu di e cas, el a mira un homber riba un bicicleta core bay y ta trata di un homber bruin cla, c'un flanel blanco bisti y un short di jeans.

Polisnan a tuma tur informacion y a busca den besindario pero no a topa cu e tipo aki.

Boet pa manda awa di beerput riba caminda publico

DIADOMINGO algo prome cu 12'or di merdia polisnan a wordo dirigi na Solito caminda keho a drenta di holor stinki di awa di beerput.

Na e sitio polisnan a papia cu algun ciudadano den e besindario kendenan ta musta cu nan ta hayando hopi molester di holor stinki di awa di beerput cu ta wordo manda riba caminda publico pa un cas ey banda.

Polisnan a bay na e caso y ta papia cu e homber di inicial F kende ta musta cu e tin un problema un tiki fastrioso ya cu dor di yobida e beerput a yega y cu e no por haci mucho cos.

A nota cu e homber tabatin un slang saliendo for di e pos y cu el a pasa dor di un buraco cu el a traha den e muraya di cura pa laga e awa di beerput bay riba caminda publico.

Algo cu ta contra ley y pa esaki polisnan a duna un proces verbaal.

Ladron cu kier a horta quadracer ta conoci

DIADOMINGO mainta banda di 9.15 polisnan a wordo dirigi pa Kiviti caminda un señora kier a raporta un intento di ladronicia.

N'e sitio e denunciante di inicial C. ta musta cu e tabata drumi algo prome cu 1'or di marduga, ora cu el a spierta pa motibo cu su cacho tabata ladra basta hopi.

Ora cu el a bay mira kicot a pasando, el a nota un homber desconoci na careda bayendo direccion este y e ta sospecha cu e anti social aki lo kier a horta un quadracer cu tabata staciona den su porch.


Segun e dama aki riba grabacion di su camara di seguridad por a mira e homber actua den forma masha sospechoso y pa banda di 1'or di diadomingo merdia, e denunciante ta informa central di polis cu un persona den besindario a reconece e tipo riba e grabacion.

Pa asesinato como sicario:

28 Aña di castigu pa Curasoleño Shurandy



...e victima Reduan.... ..



e asesino Shurandy....

.....Caricatura di 'Andy' Shurandy (41) kende a haña un condena di 28 aña di castigo di prison pa asesinato pre-meditá di ruman di un testigo di Ministerio Publico y pa cual a priminti di pag'é 100.000 euro cu nunca el a haña y cu tampoco e tin curashi di cobra....

AMSTERDAM - Corte di Husticia na Amsterdam ayera mainta a condená e Curasoleño Andy Shurandy di 41 aña di edad na 28 aña di castigo di prison pa asesinato di un testigo di husticia na maart di aña pasá.

Principio di e aña'ki un tribunal na Amsterdam a condené na 20 aña di castigo di prison, pero den apelacion el a haña 28 aña di castigo di prison.

Mihor el a evitá e molèster di bay apelá mes.....

Shurandy kende a siña tira na Còrsou tempo e tabata biba ne pais caminda el a nace, aparentemente tabatin reputacion di ta bon pistolero y p'ese y e criminalnan Turco cu kier a likidá e testigo di Corona, a duna Shurandy òrdo pa mata ruman di e testigo pa desanim'é.

Ta con e criminalnan Turco a haña sa cu el a yega di siña tira na Còrsou ta un misterio, pasobra e no a conta ningun hende na Hulanda, pero nan a localis'é y e no por a bisa nò.

Ministerio Publico a pidi 28 aña di castigo, pasobra nan a haña cu e asesinato tabata un atentado contra estado di derecho `pero e tribunal no a duna nan razonm pasobra nan no a haña esnan cu a duna òrdo.

Loke e tribunal a argumentá ta cu e merecé un castigo ehemplar pisá, pasobra for di october 2017 den un fraccion di secònde el a tuma e decision pa cometé e asesinato pa 100.000 euro.

Loke nan a constatá t'e hecho cu e ta lamentá pa famianan die victima loke ta masha facil pa bisa despues.

Su excusa tabata cu el a tuma e decision na un momento cu e tabata den un crisis personal profundo, su relacion amoroso tabata 'un mièrda' y su mayornan a caba di divorcia.

E asesinato tabatin di haber cu Nabil B., lo a bira testigo di Corona contra e fugitivo Ridouan Taghi, un criminal di crueldad incalculabel.

Ta dia 23 di maart 2018 Shurandy a firma e contract cu e organisacion criminal y 6 dia despues el a mata e homber. El a purba dos biaha promé sin logra.

Shurandy a tira Reduan mata den su negoshi. El a dreña cu e pretencion di solicitá, pero manera nan a subi trapi dje victima, el a tir'é mata.

Pero e tabata asina torpe cu el a laga cantidad di pista y su siguiente dia por a arest'é na Hilversum. Nan a mira su cara riba e cámara di seguridad, el a laga un handschoen cay y nan a haña e arma cu cual el a tira.

Shurandy a pòmp 6 bala den curpa di su victima pa manda señal pa Nabil no testiguá contra e gang di maton Marengo.



DIALUNA madruga Polis a bay direccion Tarabana pa un chauffeur burachi na stuur di un Suzuki Liana.

Polis a bin localisa e vehiculo aki na Sero Biento bayendo zuid. Patruya a sigui'e y despues di un rato e auto a bay direccion Well Well y a cuminsa bay direccion Cumana. Polis tabata su tras cu zwaailicht.



Pariba di rotonde Cumana a logra pare. Agentenan a acerca e vehiculo y a sigui protocol, esta e chauffeur mester a supla na e Alco-Sensor pa midi e nivel di alcohol. El a wordo deteni despues di e test, indicando cu e lo a pasa e limite stipula pa ley.

Transportwagen a wordo pidi pa hibe Warda di Polis.

Un suplica ta bay na tur chauffeur pa no bebe y despues subi tras di stuur. Corda cu tin mas hende riba caminda y bo tin famia na cas wardando bo. December ta un luna bunita, ban tene asina. Y ni maske cuanto Gobierno aumenta accijns riba alcohol, nos hendenan ta sigui bebe y bebe mas.

Chauffeur burachi deteni na Cumana

Polisnan cu man yen diariamente



Trahadornan di su oficina di number a manifesta pa haya libertad di Robbie dos Santos

Royal Aurora
Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa".
Salmo: 23

Nos ta anuncia fayecimento di:



Susanna Sanchez-Geerman

Mihor conoci como "Sanita" of "Yaya"
*10-11-1927 - †08-12-2019
Viuda di Nicolas Sanchez

Na number di su:

Yiunan: Lourdes Sanchez
Enrique Sanchez y Maria Luz Mancilla Hernandez
Clara Sanchez
Maria y Modesto Boekhoudt-Sanchez
Nietonan: Giorgino Cham y famia, Susanna
De Marie Cham y yiunan, Marouska Delgado Sanchez
y yiunan, Gini Mackay y Ivan Lacle
Nieta stima: Shaymara Sanchez
Nieto stima: Moises Sanchez
Bisanieta stima: Amy Chloe Vrolijk
Bisanietonan y tataranietonan
Rumannan: Zepp Wathey y famia
Agnes Wathey, Betto Haayen y famia
Rita Wathey y famia
Rosa Wathey y famia
James Wathey
Pablo Ismael Maduro y famia
Carmencita Maduro
Sobrinio stima na Venezuela Otto y Reyita Petit de
Sanchez
Amistades di semper: Fen Da Supermarket, Kong Hing
Supermarket, Discount Center, Sport Shop Antilliana,
Fruteria Virgilio
Tur su ayudantenan y demas conocirnan y bisiña

Famia: Sanchez, Geerman, Boekhoudt, Wathey,
Maduro, Cham, Mancilla Hernandez, Mackay, Lacle,
Mejilla, Vrolijk
Oportunidad pa condolencia: diahuebs 19 di decem-
ber 2019 na Matividiri # 16-A di 7'or pa 9'or di anochi.

Ta invita pa e acto di entierro cu lo tuma lugar diasabra
21 di december 2019 na cas; Matividiri # 16-A di 11'or
di mainta pa 3.30 di atardi, despues saliendo pa
Santana central na Sabana Basora.

Royal Aurora
Funeral Home & Crematory

"Bou di alanan di Dios mi ta sigur"
Abo ku ta biba bou di amparo di Altisimo, ta hospeda
den sombra di Dios Omnipotente, bisa Señor:
"Mi refugio, mi forti, mi Dios, den kende mi ta
pone mi konfiansa"
Salmo 91:1-2

Cu dolor na nos curason,
nos ta anuncia fayecimento di nos ser keri:



Liguena Agnes Roga

Mihor conoci como "Winnie"
*27-08-1945 - †14-12-2019

Royal Aurora
Funeral Home & Crematory



ELENA BRUNETTE CROES-RAVEN

Mihorconocicomo: Ellen, Oma Grandi
Ridder in de Orde van Oranje Nassau

3 di september 1924 - 13 di december 2019
Coro, Venezuela Oranjestad, Aruba

Acto di entierro lo wordoanuncia despues



WILLEMSTAD - Ayera mainta em-
pleadonan di e cadena di oficina di
number di Robbie's Lottery a tene
un manifestacion dilanti oficina di
Ministerio Publico combiná cu en-
trega di un carta na Fiscal Mayor
pa laga Robbie den libertat maske
ta temporal pa dianan di fiesta.
Pero cu ademas di esey nan ta kere
cu Ministerio Publico mester liberá
Robbie dos Santos definitivamente,
pasobra nan ta convencí cu e ta
inocente sino un Fiscal no ta inter-
rogá Robbie y puntré si e sa ta ken
a mata Helmin Wiels.....



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL